

ጸሁዳይ ፃፊዳ ኪታ ጌሉዋ

ጸሁዳ ኪታይ ፃፊቱዳዌ፡ አማኔናን ደዒዳ አማኒያ አሳ ማላቲዳ፡ ዋርዶ ቲሚርቲያ ላሊያ አሳቱዋፔ አማኒያ አሳይ ናጌታና ማላ፡ ኦዳናሳ። ሃ ቃንላ ኪታይ ባሬ ጌዶን ኦይቄዳዋን ላዒንሶ ጳዒሮሳ ማላቲ። ፃፊ ናባቢያዋንቲሲ ኦዲዳ፡ «ላዒሴና ሃኖታን ፆሳይ ባሬ ናናቱዋሲ ኢቲ ካላካ ኢሜዳ አማኑዋሲ ሚኒዳ ባጭታናዳን» ሚኒሲዳ ቆፊሴ።

ሼምፓቱዋ ኡባቱዋሲ ኢሜቲዳ ቃንላ ቆፋቱዋ

ጌሉዋ (1-2)

ዋርዶ አስታማራቱዋ ቲሚርቲያ ኤሻኔ ኩንዳላ (3-16)

አማኑዋ ናጋናዳን ኢሜቲዳ ዞሪያ (17-23)

ወርሴላ አንጂዋ (24-25)

1 ታኒ ዬሱሲ ኪሪሰቶሳ ቆማይ ጸሁዳይ፡ ፆዩቆባ ኢሻይ፡ ፆሳይ ዩሴዳዋንቶ፡ ፆሳይ አዉ ሰቂያዋንቶ፡ ቃሲ ዬሱሲ ኪሪሰቶሲ ናጌያዋንቶ፡ ሃ ዳቢዳቢያ ፃፋይ።

2 ማርቲላይ፡ ሳርቲላይኔ ሲቆቲላይ ሂንቴናን ኩሞ።

ዋርዶ አስታማራቱዋ

3 ታ ሲቃቶ፡ ኮኒ ኢቲፔ ሻኪ አካና አቶቲላባ ሂንቴንቶ ፃፋናው ታኒ ዳሮ ዳቡሪያ ዋዳ፡ ፆሳይ ባሬ ናናቶ ላዒሴናን ኢቲ ጌዳ ኢሜዳ አማኖ ሂንቴ ባጭታና ማላ፡ ሂንቴና ዞራዳ ፃፋናው ኮሺያዋ አኩካዲ። 4 አዩሲ ጎፔ፡ ፆሳ ኤሬና ኢቲ ኢቲ አሳቱ ኦኒኔ ቤዒናን ሂንቴ ጌዶ ጌሌዲና። ሄዋንቱ ኑ ፆሳ አጾ ኬካቲላባ ኦዲያ ኪታ ኢታ ቱናቲላው ጌላይ ታማሪሲና፤ ኡንቱንቱ ኑ ኢቲ ካቲያ፡ ኑ ጎዳ ዬሱሲ ኪሪሰቶሳ ኤርኮ ያጌና፤ ቃሲ ኡንቱንቱ ፐርዳ አካናዋ ፆሳ ማፃፋቱ ዳሮ ዋዲያፔ ካሴ ኦዳዲና።

5 ሺን ሂንቴ ሃ ኡባባ ኤሪያዋ ጌዶፔካ፡ ጎዳይ ኢሰራዒሊያ አሳ ጌብፄ ጋዲያፔ ዋቲ አሺዳንቶኔ ቃሲ አማኒቤናዋንታ ጉዬፔ ዋቲ ቆዩሴዳንቶ፡ ታኒ ሂንቴና ሃሳዩሳናው ኮያይ። 6 ቃሲ ባሬንቱ ደዒያሳ አጌዳ፡ ባሬንቶ ኢሜቲዳ ካፖቲላ ናጌቤና ኪታንቻቱ ፐርዳ አኪያ ዋልቃማ ጋላሳይ ጋካናው ፆሳይ ኡንቱንታ ናጌያሳን፡ ቆማፔ

1:5 ኬሰ 12:51፤ ፓይ 14:29-30

ጋርሳን ሜዲናው ቃቸ ዋሌ። 7 ሄዋዳን ሶዶማኔ ጋዋራ ጊያ ካታማቱዋኒኔ ኡንቱንቱ ሄራን ዳዒያ ካታማቱዋን ዳዒያ አሳይ ሄ ኪታንቻቱዋዳን ዋሹሜዲናኔ ዋሹማናው ሎይሌ ካጃሌዲና፤ ሄዋንቱ ሜዲና ታማን ኤዲዳ። ሃራቶ ሌሚሱዋ ጊዴዲና።

8 ሄዋዳን ቃሲ ሄ አኩሜቲያ አሳቱ ባሬንቱ አሳቱላ ቱኒሲና፤ ያሳ ጎዳቱላ ካዲና፤ ቦንቾ ሜዴታቱዋካ ቦሪና። 9 ሺን ኪታንቻቱዋ ካፑ ሚካዔሊ ሙሴ አጎባ * ፃላሂያና ፓሉሜቲዳ ዋዳ። «ጎዳይ ኔና ሴሮ» ጌዳዋፕ አቲን። ቦሪያ ቃላን አ ቦላ ፒርዳናው ኮዩቤና።

10 ሺን ሄ አሳቱ ባሬው አኬኬናባ ኡባ ቦሪና፤ ቃሲ ኡንቱንቱ ዩሺ ቆፕና ደዓቱዋዳን። ሜዴታ ኤራቱላን ኤሪያ ዩዋቱ ኡንቱንታ ቆዩሲያዋንታ። 11 ኡንቱንቶ አዬሮ! አዩሲ ጎፔ። ኡንቱንቱ ቃዬሊ ሃሜቲዳ አጊያ ተ ሃሜቲዲና። ሻሉዋ ዲራው ጊዳ። ባላሚ ኦሌዳዋ ተ ማላ ባዩዙዋ ኦሌዲና። ቃሲ ቆሬ § ጊያ ቤታኒ ማካሊዴ ቆዩዳዋዳን። ኡንቱንቱካ ማካሊዴ ቆዩዲና።

12 ሄዋንቱ ሲቁዋን ሾቢያ ሂንቱ ሚያሳን ሂንቱናና ያሺ ባዩናን ሚያ ዋዳ። ቆሴቲዳ ቆሱዋ ማላ። ኡንቱንቱ ባሬንቱ ፃላላ ናጊና። ኡንቱንቱ ጫርኩ አፊያ ኢራይ ባዩና ሻሪያ ማላ፤ ቃሲ ኡንቱንቱ ቦኒያን አይፊያ አዩፊና። ፃጵዋና ሾዴቲዳ። ሙሌካ ሚሌዳ ሚላ ማላ። 13 ኡንቱንቱ ባሬንቱ ፖኩዋ ጌንሴና ሆሞቲያ። ኢታ አባ ቤታ ማላ። ኡንቱንቱ። ያሳይ። ሜዲናው ሳካና ቆማኒ ሳዓ ገገሲ ዋሌዳ ዩዩያ ያለንታቱዋ ማላ።

14-15 ሄኖኪ አዳማፕ ደሚና። ላፑንላ ዩሌታ ጊዲያዋ። ዳር ዋዲያፕ ካሴ ኡንቱንቱዋ ቲምቢቲያ ኦዲዳ። ሃዋዳን ያጌዳ፤ «አኬኪቲ፤ ያሳ ኤሬና ናጋራንቻ አሳቱ ኦሌዳ ኢታ ኦሱዋ ኡባዉኔ ቃሲ ያሳ ኤሬና ሄ ኢታ አሳቱ ያሳ ቦላ ሃሳዬዳ ኢታ ሃሳያ ኡባው።

1:6 ደም 6:2 1:7 ደም 19:1 * 1:9 ሚካዔሊ ሙሴ አጎባ፡ ሃዌ ቤሲያዋ፡ ቤኒ ኮይሮቲዳ አዩሁዳቱዋ ማፃፃን ሙሴባሲ ፃፊቲዳዋ። 1:9 ዳን 10:13፣ 21፣ 12:1፤ ሳፀ 12:7፤ ዛር 34:6፤ ዛክ 3:2 † 1:11 ቃዬሊ ሃሜቲዳ አጊያ፡ ቃዬሊ ባሬ ኢሻ አቤላ ዋዴዳ። ደም 4:3-8 ጪላቲ። ‡ 1:11 ባላሚ ኦሌዳዋ፡ ጌሻ ቃላ ፓይዲዋ ማራዳን። ቦላ ጉጃ ዳማና ጊዳ ኢሰራዔሊያ አሳ ሸቂኬ ጊዳ ኢጌዳ ጋሱዋን ኡንቱንቱ ያሳው አዛዜቲናዳን ዳዓና አጊያ ታማሪሴዳ። ፓይ 22:18፤ 24:13፤ 25:1-3፤ 31:16 ጪላቲ። § 1:11 ቆሬ፡ ዳታኔና አቲፕ ጊዲዳ ሙሴዉኔ አሮኔው ማካሊዳዋዳን። ማካላ አሳ ታማሪሴዲና። ፓይ 16:1-35፤ 26:9። 10 ጪላቲ። 1:11 ደም 4:3-8፤ ፓይ 22:1-35፤ 16:1-35

ጎዳይ ኡንቱንቱ ኡባ ቦላ ፒርዳናው።

ባሬ ጮራ ሻባ ጌሻቱዋና ኢቲፔ ያና»
ያጌዲ። 16 ሄ አሳቱ ኡባ ዋዴ ዙዙሚኖኔ ሃራቱዋ አማሳሊኖ፤
ቃሲ ባሬንቱ ኢታ አሙዋ ካሊኖ፤ ባሬንቱ ሁጹው ጎባ ዴማናው
ሃራቱዋ ሳቢኖኔ ባሬንቱ ኮሻ ዋጋፔ አሊዴ፣ ጶቁ ኦሊ ሃሳዪኖ።

ሚኖ እኬኪሱዋኔ ዞሪያ

17 ሺን ታ ሲቃቶ፣ ኑ ጎዳ ዩሱሲ ኪሪሰቶሲ ኪቴዳዋንቱ
ሂንቱንቶ ቤኒ ሃሳዬዳ ቃላ እኬኪቴ። 18 ኡንቱንቱ ሂንቱንቶ፣
«ዉርሴላ ዋዲያን፣ ባሬንቶ ያሳይ ባዪናዋንቱ፣ ባሬንቱ አሙዋ
ካሊያዋንቱ፣ ቃሲ ሂንቱ ቦላ ቁሊጨያዋንቱ ያና» ያጌዲኖ።
19 ሄዋንቱ አሳ ጊዶን ሻኮቴላ ሜዲያዋንታኔ፣ ባሬንቱ ኢታ አዋ
ዋዴቱዳዋንታ፤ ቃሲ ጌሻ አያናይ ባይናዋንታ።

20 ሺን ታ ሲቃቶ፣ ኡባፔ አዲያ ጌሻ አማኑዋን ሂንቱ ሁጲያ
ኬዲቲ፤ ቃሲ ጌሻ አያና ዋልቃን ያሳ ዋሲቴ። 21 ቃሲ ኑ ጎዳይ
ዩሱሲ ኪሪሰቶሲ ባሬ ማርቴላን ሂንቱንቶ ኢማና ሜዲና ዴዑዋ
ናጊዴ፣ ሂንቱ ሁጲያ ያሳ ሲቁዋን ዋሊቴ።

22 ኢቲ ኢቲ ሲዲ ዴዒያ አሳቶ ቃሬቲቴ። 23 ኢቱዋ ኢቱዋ ታማፔ
ዳሬ ኬሲዴ አሺቴ። ቃሲ ሃራይ አቶ ኡንቱንቱ ኢታ አሙዋን ቴኔዳ
ማዩዋ ኢዲዴካ፣ ኢቶ ኢቶ ያሻቴላን ቃሬቲቴ።

ጋላታ ዋሳ

24-25 ሂንቱ ኩንዴናዳን፣ ሂንቱና ናጋናዉኔ ፖኩ ባይናዋንታ
ኡዲዴ፣ ባሬ ቦንቹዋ ሲንላ ዋልቃማ ናሼቻን ሺሻናው ዳንዳዪያ
ኑና አሺያ ኢቲ ያሳው፣ ኑ ጎዳ ዩሱሲ ኪሪሰቶሳ ባጋና ቦንቹ፣
ጊታቴላይ፣ ዋልቃይኔ ማታይ፣ አዴዳ ዋዴ ኡባፔኔ ሃዒኔ ሜዲና
ጋካናው ጊዴ። አሜንዒ።

Ooratha Caaquwaa New Testament in Dawro (ET:dwr:Dawro)

copyright © 2011 Wycliffe Bible Translators, Inc.

Language: Dawro

Translation by: Wycliffe Bible Translators, Inc.

Copyright Information

© 2011, Wycliffe Bible Translators, Inc. All rights reserved.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

The New Testament

in Dawro

© 2011, Wycliffe Bible Translators, Inc. All rights reserved.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures. Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-04-22

PDF generated using Haiola and XeLaTeX on 11 Nov 2022 from source
files dated 29 Jan 2022
585b63ca-b8e6-55c8-bfef-10bdc95ad69c